

詩

退溪集一

卷四



退溪先生文集卷之一

詩

過吉先生閭 癸巳

朝行過洛水洛水何漫漫午憩望鰲山鰲山鬱  
盤盤清流徹厚坤峭壁陵高寒有村名鳳溪乃  
在山水間先生晦其中表閭 朝命領大義不  
可撓豈曰鯨塵震千載釣臺風再使激東韓扶  
持已無及植立永堅完丈夫貴大節平生知者  
難嗟爾世上人慎勿愛高官

月影臺

老樹奇巖碧海壘孤雲遊跡總成烟只今唯有  
高臺月留得精神向我傳

龜石樓

落魄江湖知幾日行吟時復上高樓橫空飛雨  
一時變入眼長江萬古流往事蒼茫巢鶴老巖  
懷搖蕩野雲浮繁華不屬詩人料一笑無言俯

碧洲

與驪州牧李公純訓導李會遊神勒寺

乙未

京洛風塵一夢悠從公聊作靜中遊江山曉作

雙眸畫樓閣晴生六月秋問數可能探理窟談  
仙直欲謝時流歸來穩致輕舟下有喜猶能近  
白鷗公嘗詳皇極內篇積功二十餘年而始就  
是日論內篇及參可契修鍊之法

臨風樓七夕

勝事由來天所攄臨風樓上且偷閒樹遮午熱  
風生檻雲破秋陰日映山老鶴飲多如酒渴寒  
蟬吟苦欲詩斑萬竿脩竹臨池岸塵土城中自  
不關

嶺南樓

樓觀危臨嶺海天  
客來佳節菊花前  
雲收湘岸青楓外  
水落衡陽白鴈邊  
錦帳圍將廣寒月  
玉簫吹入太清烟  
平生儘有騷人興  
猶向尊前踏綺筵

歲春 丙申

清晨無一事披衣坐  
西軒家僮掃庭戶  
寂寥還掩門  
細草生幽砌  
佳樹散芳園  
杏花雨前落  
桃花夜來繁  
繁紅櫻香雪飄  
綺李銀海翻  
好鳥如自矜  
間關弄朝暄  
時光忽不留  
幽懷悵難言  
三年京洛春  
局促駒在轅  
悠悠竟何益  
日夕愧國

恩我家清洛上熙熙樂閒村隣里事東作雞犬  
護離垣圖書靜几席烟霞映川原溪中魚與鳥  
松下鶴與猿樂哉山中人言歸謀酒尊

安東愛蓮堂

并序

堂舊爲亭在蓮池中叔父松齋府君  
莅官日嘗有詩曰琴韻泠泠雜雨聲  
敗荷無藕尚含清移葵間竹西墻下  
紅綠分明各自旌後龔巖李先生繼  
爲府改構爲堂仍掛松齋詩于壁竹  
移于北墻而葵無處矣

竹因風細笑無聲荷爲秋涼韻更清不見西窗  
紅間綠空餘珠玉映簾旌

雨留新番縣

已見中秋月欲虧南州行客尚逡遲  
紅雲北闕三千里白髮高堂十二時  
醉別故人風挽袖愁吟孤館雨催詩  
徒令倦僕知飢渴屈指歸程併日期

歲季得鄉書書懷

鄉書卜數紙字字親舊筆晨興忽滿眼  
讀盡更一一豈不喜平安喜多情轉鬱  
憶我醉北堂霜



風菊花節西來何所爲悶默繫袍笏但知趁公  
務不暇憂病骨馳光忽不淹逼此歲除日客枕  
多憂思寃夢輒飛越撫躬良自愧報國亦云  
缺胡不早收愚歸安在蓬蓽力耕給公上甘旨  
奉怡悅茲誠分所宜久矣不自決強顏名利藪  
掩抑徒自失猶能得酒狂無計學真訣敝衣屢  
欲典瓶粟行告竭官情易成歇鄉心不可遏感  
此遠餉意珍重不在物兒童豈知此呼叫索梨  
栗床前有筆硯長吟聊自述

義州雜題十二絕 辛丑

鴨綠天塹

日暮邊城獨倚闌一聲羌笛戍樓間憑君欲識  
中原界笑指長江西岸山

州城地利

雉堞峩峩地勢雄分疆遼左壓山戎國門鎮鑰  
如天設長得平安報夕烽

山川形勝

龍淵雲氣曉淒淒鵲巢摩空白日低坐待山城  
門欲閉角聲吹度大江西

義順館

華館凌雲鴨水濱  
吾東盡禮為王人  
來迎鳳詔歡聲溢  
去送龍章別恨新

威化島

麗季狂謀敢逆天  
飛龍景會尚田淵  
自從神勸回旌後  
東海春融萬萬年

三島禁耕

江分沃土勢漫漫  
上國邊民雜此間  
已被皇恩疆界別  
可無平日戒圖難

聚勝亭

城中那得盡風流水  
遠山長各自由  
試問東亭

收勝處一尊堪勸故人雷

統軍亭

統軍亭上望江流天際微茫入海洲正使變成  
春酒綠古今難盡別離愁

禁銀

一自南人蟻壞防中朝嗤我等行商何能痛  
洗吾君取議法前時動廟堂

斷渡近朝議欲寬銀法

懷璧貪夫欲剖身謾將舟楫斷通津微姦百計  
欺疏網國是猶寬鼠輩人

清心堂

虛檻疎櫺愛此堂  
病夫安臥洗塵忙  
那堪主帥挑人醉  
不分紅粧笑客涼

閱馬

棘闥龍孫入帝閑  
江頭齊出錦雲斑  
玉書寫就傳朝使  
邊月多情照我還

聚勝亭韻奉別洪公春卿以聖節使

赴京

徙倚西山欲揜曛  
平看鴉背閃餘紛  
虛簷夜納胡笳月  
碧瓦晴連海戍雲  
漸近別懷如水遠  
無

邊詩興與公分但令日日參高座清暑冰漿不  
要勳

平壤練光亭陪監司尚公震夜讌

縹緲城頭翼瓦齊登臨唯覺遠山低殘雲返照  
迎初席玉笛瑤琴送早雞檻外長江橫似練空  
中明月近堪梯唐公此意真先得恰把亭名二  
字題亭名唐公臯所命且書額

早秋夜坐

僦屋近西城空庭翳樹木羣蟬得佳蔭日夕如  
相促須臾入黃昏窻戶失炎溽新月出海來皎

皎臨墻曲蟲鳴在四壁草露翻似沐感時忽興  
嘆徂年水流速舊學苦已晚新知良可惡沈疴  
喜負心謬筭難諧俗小人思獻愚君子貴知是  
悠悠不成寐耿耿照書燭

書堂次金應霖秋懷

秋入梧桐撼一年翻思宿債負山川病中猶憶  
聖呼酒貧裏寧甘兄事錢紫氣仙人函谷外黃  
冠道士鑑湖邊平生謬廁金閨彥不及渠家養

寸田

讀東國史用應霖韻

蠻觸乾坤計未良孰為猛獸孰羣羊爭疆爛沸  
雖從漢開國神明實自唐但有名存離復合不  
隨形滅臭兼香秋風白日書窓下獨對遺編永  
憤傷

夕霽舟上示應霖景說

不堪盡日羣書擁難負高秋積雨晴暮色漸迎  
山色暝霞光時倒水光明愁連海上孤燈遠翼  
遶江東一鴈橫暫出瀛洲弄烟艇何如耕釣趁  
初盟

南樓壁上有六言四韻次韻示二君



古意時時撫琴幽愁日日關心澗底風生欲暮  
天邊霞散輕陰須知糟粕非粗及到淵源又深  
與子方欣麗澤都忘衰病侵尋

九月七日午憇臨津亭

災傷

御史

臨津渡上秋空碧斜日清江映石壁潮來潮去  
幾今古大海西連數峯隔盤遊狡童厭法宮輕  
薄詞臣時鬻積轉天簫鼓愁魚龍軟霧優倡鬧  
鈿烏豈知眼中強跋危遊鬼已似浮烟釋皴巖  
峭鏡足垂後驪山禍胎謬傳昔楓林霜葉爛猩  
紅沙岸蘆花衰雪白舟人只知爭渡之心鷗鷺無

情事高格鵲山隱翳暮雲頭憑闌客子偏傷激

玉堂春雪用歐公韻壬寅〇二月十四

日內直賦示閩叔道

令節春將半今朝雪候臻氣爭方晚合雲積忽  
窮垠入眼瓊花亂翻空玉海新聽窻憐眉空看  
地愛輕勻釐禁稀鳴索天街絕響音輪苦重撐一  
節高柏抗千鈞為瑞將騰賀迎豐且解蟬罪微  
看到暮浩蕩想連晨病憶重裘襲恩惠內醞  
陳瑤城渾合香銀屋鬱盤圉地自同仙府詩難  
語俗人沈吟倚闌處疑是入長春

泰安曉行憶景明兄時兄賑恤一敬差  
在嶺南混以救荒搆奸御史往湖西

郡城吹角夜開門祇為王途急駟奔殘夢續  
鞍身兀兀游光連海月痕痕驚人別鶴投孤嶼  
趁雨耕夫出遠村湖嶺相望隔千里不知何處  
戒征轅

宿清風寒碧樓

半生堪愧北山靈一枕邯鄲久未醒薄暮客程  
催駟騎清宵仙館對雲屏重遊勝地如乘鶴欲  
和佳篇類點螢杜宇聲聲何所訴梨花如雪暗

空庭

鎮川東軒

菲才直道詎追前  
懦性從來合佩弦  
民病欲蘇時雨後  
春光都盡客愁邊  
當軒翠樹圍青幄  
照眼紅花罨紫烟  
荒政儘由賢守宰  
莫令并棄艾三年

蓮亭小集

清池虛檻逗微涼  
高樹風生送夕陽  
紅燭不須催驥裊  
待看新月滿華堂

吾鄉李參判先生假歸將因以乞身鄉

人在朝者會饒於先生仲子寓舍奉呈  
近體一首時金子裕氏及家兄為承旨  
先生仲子架虛為參奉公幹為京畿都  
事滉忝舍人南伯仁為成均學正又安  
大寶為刑部以豐基鄉人同參

引退非緣忘主恩高年自合愛立園一鄉會  
饒簪纓簇二品辭歸齒德尊天為宵歡收積雨  
月因離恨照芳樽憑風寄與詩僧道林下如今  
可共論

秋日南樓晚霽

蕭蕭晚雨霽泱泱小溪響湖雲薄未歸天日淡  
猶朗小樓地勢高孤坐几席爽騷情喜曠蕩病  
眼怯莽蒼落葉滿林蹊涼風撼書幌萬物各歸  
根龍蛇思蟄養邃古民大朴末路世密網幽鳥  
亦何意下啄還飛上

湖上園亭偶出效康節體

何限名園漢水頭間來無處不堪遊白魚切玉  
家家興黃菊排金院院秋酌酒喜臨高榭豁題  
詩愛向曲闌幽更知易厭紅裙醉要學沙鷗浩

蕩游

世一本作  
事

與諸君同登狎鷗亭後岡

斷阜瀕江勢欲騫與君登眺暢形寬浮雲澆堞  
齊神嶽落日低空近海門萬世經營槐穴夢一  
時感慨菊花罇沙禽豈管人間事浩蕩風流無  
語言

原州憑虛樓有懷州教金旆夫次樓韻

留贈 災傷 御史

此地乖逢又此行紛紛離合況平生頭因別久  
欲添雪愁爲秋深更築城鳥過豪英多偉蹟龍  
蟠形勢稱雄名思君坐數同襟樂祇在山中耦

舌耕

酒泉縣酒泉石姜晉山韻

神槽雷劈已上天至今以酒名其泉人言土俗  
信荒恠繼之好事非真傳我疑造物本難測厥  
初安知有由然當時仙釀非世法糟牀日注靈  
波壘幔亭虹橋降真侶瀛尊嶽豆無論錢瓊漿  
如流樂且湛官府久廢玉皇前上界有謫一念  
差赫然下命六丁遷區區反爲龍所貪一片誤  
落金沙淵復畱一片豈無意天戒衆飲官途邊  
世人不曉靈真跡渴喉但覺流饒涎謂神之怒



坐一吏謾說相誇今幾年徵奇詰異竟誰是我  
欲就問騎鯨仙

錦江亭

鷓鴣啼山裂豈窮年蜀水名同非偶然明滅曉簷  
迎海旭飄蕭晚瓦掃秋烟碧潭楓動魚游錦青  
壁雲生鶴踏氈更約道人攜鐵笛爲來吹破老  
龍眠

洪川三馬峴用景明兄竹嶺途中韻并

昔從家兄自京還鄉到竹嶺時秋景  
爛熳兄於馬上占一絕云楓林翠壁

彩屏開中有清溪抱石臺誤近忙途  
知不幸了無遊跡到蒼苔余今每遇  
丹楓碧澗輒誦此詩聊和以遣懷兒  
今在銀臺

澗水楓林相映開彩屏麗句憶銀臺我今正作  
忙途客佳處何緣步石苔

過清平山有感并序

春川之清平山卽古之慶雲山也前  
朝李資玄棄官歸隱于此山有晉  
賢院資玄就而居之號曰文殊寺慶

雲之改號清平亦由資玄而得之也  
資玄生長閩閩風流文雅冠絕當時  
亦嘗筮仕而登顯要矣其於求富貴  
取青紫不啻如拾地芥然乃能辭榮  
避位高蹈遠引蟬蛻於濁穢之中鴻  
冥於萬物之表住此山蓋至於三十  
七年之久雖卑辭厚禮不足以屈其  
節千駟萬鍾不足以動其心非有所  
樂於會中者安能如是哉余讀東國  
通鑑嘗恠史臣論資玄之辭深加貶

剝至指為貪鄙吝嗇噫何其甚也自古高人逸士如資玄比者豈少哉然類多出於畎畝之中草澤之遠其與木石居鹿豕遊而飯糗茹草乃其素所積習而其心安焉其於長往而不返回亦無難矣至若脫屣於聲利之場抽身於紈綺之叢不怨不悔終始不變如資玄者蓋絕無而僅有之斯不亦可尚哉或謂資玄之去其跡涉於為名以是為可貶則吾又不知其

說也夫枕流漱石拈死巖穴之名孰  
與於紆青拖紫銘彝鼎被絃歌之名  
哉有世俗之見言之斯二者均謂之  
名而苦樂則懸絕資玄於彼則望望  
然去之若將浼焉於此則昧昧然就  
之以是終其身而不顧若是而稱曰  
爲名而然此豈近於人情之論歟貪  
鄙吝嗇其亦尚論之當乎余以是知  
其胸中必有所自樂者而非世俗之  
云云者余所以惓惓於資玄者也史

稱資玄置田業為一方農民所苦夫  
隱居者豈皆能上食槁壤下飲黃泉  
如蚯蚓然哉不為賣藥與賣卜則耕  
田以食其力矣然則資玄之置田食  
力亦何足病焉而必以是為詬罵耶  
此無乃當時士夫之貪榮嗜利役  
役於世途者自見資玄之與已相去  
不啻黃鵠之與壤蟲於其心蓋亦有  
所不平焉竊竊然伺其所為而摘之  
以為隱者之無求於世也亦以置田

業爲事乎相與造爲不報之謗者未  
必無之則所謂爲農民所苦者安知  
非此輩所誣耶昔种明逸之晚節亦  
有置田產之謗然而尚論之士不過曰  
盛名難副而已曰清議惜之而已安有  
如今史氏刻害過甚之論耶前史不闕  
而甚傳之後史輕信而驟論之人之好  
議論不樂成人之美如是哉余觀資玄  
辭就徵表有曰以鳥養鳥庶免鍾鼓之  
憂觀魚知魚俾遂江海之樂噫此其爲

人之曾次豈世俗饒饒者所能窺其  
萬一哉余之奉使而來也過清平山  
下問驛吏知山中有曰清平寺者疑  
卽古所謂普賢院也限於嚴程不得  
叩山門訪幽蹟聊書此以發其嘗讀  
史而有感於曾中者如右而繼以詩  
云

峽東江盤棧道傾忽逢雲外出溪清至今人說  
廬山社是處君爲谷口耕白月滿空餘素抱晴  
嵐無跡遺浮榮東韓隱逸誰修傳莫指微疵舜



白珩

奉酬龍巖李先生靈芝精舍詩并序○癸卯  
吾鄉靈芝山有佛舍滉舊嘗往來讀  
書而山後亦有小築宦游思歸而未  
得因自號靈芝山人先生既歸愛是  
庵就而重新之名曰精舍時杖屨適  
遙其中詩寄滉且曰足下舊卜山麓  
自稱山人而今我先之無乃呼賓作  
主耶早晚當訟而辨之云滉感先生  
之高義叨承詩札以爲笑謔不勝欣

幸之至謹次詩呈上惶恐再拜

山吐蝸廬是假容久纏縵鎖病仍攻願將美蔬  
輸真隱不獨山南第一峯

精廬高架白雲巔藥竈逍遙葛稚川莫把高臺  
名杜安聞風俗駕自回鞭有小臺名杜安

題林士遂關西行錄後二首

捍闔奇謀漢子房當年會受石公方朱鬪巢窟  
龍庭界先作干城鯨海疆絕域病攻天拂亂荒  
城雷鬪鬼驚忙豪吟百首凌雲氣妙句何妨鐵  
石腸

狂胡射月遼東塞壯士搜兵樂浪墟指顧威靈  
驅虎豹風流談笑發詩書海航病得龍王藥江  
閣吟窺帝子居唾手功名歸燕頤太平容我老  
樵漁時國家將以朝命出兵助討胡士遂  
以元神從事官點兵關西入薪島驅馬得病幾  
死乃甦還抵黃州遇大雷雨有詩極道其壯觀

當軒綠叢花四季

門前老槐樹日暮飢鴛蹲赤葉間翠林涼風動  
西園返照斂城頭悲蟲號草根深巷斷人來寥  
寥獨閉門當軒綠叢花色映丹霞痕寂寞向晚

意淒涼結芳魂畸人厲孤操靜女守舊恩脉脉  
如有懷迢迢竟不言在苒迫霜露幽貞信乾坤  
感此堂上客歲晏思彌敦

舟上示宋台叟

沂泗同上木蘭船往事茫茫知幾年暮雀競棲  
雲渚樹殘霞倒影玉湖天伸由自可輕千乘程  
尉何曾直一錢笑罷歸來風浪帖蛟龍應亦龍  
言  
雄篇

九日獨登書堂後翠微寄林士遂四首  
野菊猶多思尊前小摘枝杯盤真偶設歌管豈

曾隨望遠愁腸斷登高病脚危陶然成一醉短  
舞為誰垂

聖主開東觀將期瑞世文愧添樗櫟散欣覩鳳  
螭紛樂事清時得幽香小坐聞故鄉千岫外醉  
眼送歸雲

思君那得暫時寬醉把黃花誰共歡新月媚人  
還入手長風欺客且吹冠千重眉黛依依列一  
道冰紈湛湛寒景物隨緣易陳跡急須摹取與  
君看

今古茫茫似逝川登臨佳景故依然同牀不識

寧非中員舉世相疵亦有傳語寧豈容罇俎裏愁  
城難著菊花前歸鴉落日都成畫臥看東湖玉  
鏡天

送金厚之修撰乞假歸覲仍請外補養  
親恩許之行

君不見鯤魚化作垂天翼九萬搏風竟奚適下  
有區區斥鷃輩搶榆控地皆真樂又不見魏瓠  
種成實五石不願爲瓢憂瀆落何況作尊浮江  
湖卻笑莊生未甚達我昔與子遊泮宮一言道  
合欣相得君知處世如虛舟我信散材同樗櫟

富貴於我等浮雲偶然得之非吾求風雲感激  
偶一時玉堂金馬接跡進時流恩榮合沓謬所  
當歲月紛紛閱江浪道山同讀未見書我齒已  
衰君方壯抽玄關發奧藏經世謀猷兮貢國文  
章旨 賜官醞塵飛鞚珍分 御厨廩繼倉昔  
人已云不敢當矧余馬能不愧顏秋風蕭蕭吹  
漢水我夢夜夜白石青雲間青雲白石我尚阻  
海山千里君先去君言欲作反哺鳥乞得專城  
有蟹無監處人生至樂君有之具慶堂前舞綵  
衣此外萬事何足道儻來軒冕如塵微不羨汝圖

凌雲不須擁旌麾子真巖耕名已振原憲蓬居  
道非吝須知王式本不來莫恠那曼終難進送  
君歸搔我首爲君歌薄薄酒相思莫惜寄玉音  
我詩聊贈千金帚

次韻答金應霖林士遂在東湖見寄二  
首甲辰。余癸卯冬下鄉病未還。朝

春兩君寄詩來

雲盡花開病臥村消磨未盡只詩魂榮枯輾轉  
回雙轂倚伏冥茫隔九閭芝朮養生顏益古烟  
霞入骨語無煩山中氣味君知否世事都無一



句論

金君韶奏鳳來儀林子兼將百步威故國春風  
留病客神交書札到柴扉半成山屋謀會拙全  
落湖梅事太違知我不材君最甚可無容得會  
稽歸時應霖為銓郎故屬以外補

湖堂梅花暮春始開用東坡韻二首春

赴  
召後

我昔南遊訪梅村風烟日日銷吟魂天涯獨對  
歎國艷驛路折寄悲塵昏邇來京輦苦相憶清  
夢夜夜飛丘園那知此境是西湖邂逅相看一

笑溫芳心寂寞殿殘春玉貌綽約迎初暎伴鶴  
高人不出山辭輦貞姬常掩門天教晚發歷桃  
杏妙處不盡騷人言媚嫵何妨鐵石腸莫辭病  
裏攜甕罇

藐姑山人臘雪村鍊形化作寒梅竟風吹雪洗  
見本真玉色天然超世昏高情不入衆芳騷千  
載一笑孤山園世人、不識嘆類沈今我獨得欣  
逢溫神清骨凜物自悟至道不假餐霞曠昨夜  
夢見縞衣仙同跨白鳳飛天門蟾宮要授玉杵  
藥織女前導姮娥言覺來異香滿懷袖月下攀

條傾一罇

湖堂曉起用東坡定惠院月夜偶出韻

雞鳴水村月掛簷一枕歸夢驚殘夜窓櫺闌寂  
蓬觀裏曙色葱蘢花樹下庭梅半落香更吹石  
澗新疏響轉瀉欲知仙境定何如聞說瑤臺此  
其亞綺饌常繼太官供蘭燭時容漁店借病來  
酒伴已全疎老去詩情渾未謝青春欲暮鳳城  
塵白雲空憶芝山舍年多老松棲怨鶴雨荒幽  
圃拋寒蕪榮辱如雲本來無富貴逼人真堪怕  
朝來百轉林下鳥似與詩僧助朝罵

七月望日狎鷗亭即事四首時言堂有  
故稟 啓移寓於此

奔雲陣陣度蒼楹雨過長江一半明  
隱几笑看爭渡客漢江樓下雪山傾

歸舟搢搢上前灘忽掛風帆萬里閒  
總把向來塵挽力一時酣寢浪花間

江中風起雨冥冥葉上青蛙止復鳴  
兩兩漁舟依別岸晚來收釣入柴荆

望中奇變忽無蹤日照西雲淡夕容  
未露四圍青黛色唯看千頃白銀鎗

晚步明陽正賢孫嘗有此詩偶讀而愛  
之用其韻

苦忘亂抽書散漫還復整曜靈忽西頽江光搖  
林影扶筇下中庭矯首望雲嶺漠漠炊烟生蕭  
蕭原野冷田家近秋獲喜色動曰井鴉還天機  
孰鷺立風標迴我生獨何為宿願久相梗無人  
語此懷瑶琴彈夜靜

登狎鷗亭後岡憶應霖士遂古元四首  
遠近峯巒插彼蒼水光橫帶暮天長無人共說  
年前事日日孤吟上翠岡去年與三君共登此

去年燈火伴書牀欲讀思君卻置傍  
彌勒形模江海量城中咫尺阻音光

右應霖時持服在城中

萬里星奔蜀道難柳生中道不能鞍  
裁書欲寄關河阻安得如雲生羽翰

右士遂使關北中途病臥

趨庭西海路漫漫約在中秋月正圓  
為洗東湖雙玉盞看君豪向瀉驚馬湍

右吉元時觀親海州

夜起有感

缺月懸空窓夜明  
壁間絡緯響機鳴  
淒淒切切如相促  
不惟懶婦壯士驚  
隣雞不歌更漏遲  
櫪馬齟草風雨聲  
攬衣呼童睡不應  
牀頭暗燭垂短葉  
挑燈照我簡編讀  
口角瀾翻銀河傾  
古人去我不待我  
芻豢悅口同性情  
安得平生金石友  
重玄至是關鍵扁  
十年國恩重於山  
一生多病終無成  
去年霜髮映黑絲  
今年瘦骨仍嶮嶮  
拓窓看月月未斜  
白練一道澄江平

大雷雨行以上並在狎鷗亭作

江亭曉起推月戶  
遠近蒼茫靜林塢  
忽然江海

色悽慘殿車雲起初如縷望中紫電掣金蛇恠  
氣颯杳相吞吐西來黑風撼山岳龍捲湖波半  
空舞太陰崩騰鬼神惡銀河屈注傾天府鯨鯢  
駕浪馳前陣虎豹爭鋒嚴後鼓穿城半夜縱千  
牛斫樹黃昏飛萬弩阿香顛履踏狂車劃破乾  
坤壯神斧頗疑勢觸天柱折鍊石區區憂莫補  
又恐龍門未疏鑿洪流湯湯漂下土農夫投鐘  
失畎澮賈客飄帆迷激浦堂上書生亦何爲斂  
衽低徊上天怒杜牧豪吟憶壯觀夏侯談經猶  
倚柱斯須一眼盡如掃萬里晴光曬秋宇太虛



幽幽本無物孰居無事爲之主一闔一闢恣披  
拂變化神功誰敢侮天公號令不虛出摧殘震  
動皆仁煦向來所見付幻境一笑臨風大江滸

剪開檻外樹作

南樓意不愜檻前樹翁翁那聞竽籟響祇見螻  
蟻孔勃然難恕宥腰斧奚奴勇丁丁落遠楊豁  
豁去蔽壅川原忽紛披宴坐不移踵遠山入簾  
鉤愁髻樊姬擁平湖熨冰紈几席天光動恍如  
學變化臺殿雲間聳向來墻面界萬象爭獻捧  
飛鴻渺天末世事等蟻螻人心辟邪蠱國政去

微虺較我開林功無分輕與重

奉贈主庵宋眉叟以冬至副使赴京

廣平先生鐵作腸湖南今歲留甘棠歸來受

命賀 天朝星槎迢迢上銀潢海東精英大雅資

不怨賢勞馳四方湖陰筆力扛九鼎中華感動傳

文章參卿使事豈天意夜占奎壁騰光芒入海

手探驪龍珠登天耳閱鈞音張豈但壯遊增氣

義樂哉酬唱如宮商風雲隨處落咳唾誰復按

劍投夜光我似醯雞守塵甕大方之家嗟望洋

蓬山日月轉秋序坐覺別恨添鬢霜高風逸軌

不可攀西望萬里關  
河長謬蒙索贈一篇詩  
幾日重躋君子堂

送林士遂以迎 詔使從事赴義州三

首乙巳

詩老西迎 詔使行一時從事盡豪英  
漳濱獨荷 天恩重日夕空多感慨情  
滉亦忝是荷 恩許病免

佺佺駮壇兩老臣  
繞朝贈策可無人  
料知擒縱如神處  
一笑先衝萬馬塵

不數林間喚兩鳩  
海東雙鳥起千秋  
爭看月斧

揮神匠血指應難據一頭

望湖堂尋梅丙午仲春將歸嶺南

望湖堂下一株梅幾度尋春走馬來千里歸程  
難汝負敲門更作玉山頽

再用前韻答景說

聞道湖邊已放梅銀鞍豪客不曾來獨憐憔悴  
南行子一醉同君抵日頽

堯觀院溪上奉懷家兄話別於東郊二

首

怱悵迷塗始可追踏青中路尚遙祗應此去

歎疑歎之誤  
凡言疑恐之  
類即門下諸  
公所校

相思夢長在東郊細雨時

細雨東郊酒一罇悲歎萬事不堪論何時石室

雲巖裏共對清宵月蒲軒兄家在木覓山麓扁

小齋曰雲巖石室

寓月瀾僧舍書懷二首

十五年前此讀書紅塵奔走竟何如只今病骨

迷丹訣依舊灘聲上碧虛居士忘家為老伴胡

僧結約羽幽廬不堪每累君恩重非為高名

向釣漁

紫陌休騎沙苑馬青山來伴月瀾僧靜中自得

安心法不用人間更折肱  
時以司僕正來故使  
沙苑馬

以事當還都至榮川病發輟行留草谷

田舍

少日書紳服訂頑至今憎學但慙顏狂奔幸脫  
千重險靜退纔嘗一味閒羈鳥有時依樹木野  
僧隨處著雲山後園花萼猶爭笑何必區區病  
始還

孟夏廿五日入龍壽寺馬上寄黃敬甫  
作意入山尋舊日遊青雲白石聊散愁天公爲我

捧宿霧亂山滴翠當馬頭節近端陽棟花風家  
家喜氣迎麥秋何須苦讀五車書此去賣劍當  
買牛

晨至溪莊偶記東坡新城途中詩用其

韻二首

觸熱朝天病未行溪莊回轡趁雞聲雲山正似  
盟藏券身世渾如戰退鉦雨過洞門林氣爽風  
生石竇澗音清山翁笑問溪翁事只要躬耕代  
舌耕

朝從溪上傍溪行纔到溪莊聞雨聲里社行誇

宰分肉詞壇曾笑將  
鳴鉦寬開南野麥  
浪徧翠密西林禽語清  
聖主洪恩知不棄  
只緣多病

合歸耕

龔巖先生愛日堂用李復古先生韻

奇巖已得專佳境  
至道應難喻俗人  
广屋靜深堪讀易  
崖臺寥朗可延真  
窻前綠水寒開鏡  
石上蒼松老感鱗  
幸我溪莊容地近  
陪遊三徑往來頻

士遂寄詩次韻

故人在南滇  
尺素傳鯉魚  
緘封明月珠  
贈我無



所需慰我如病鶴一言意太足我今百無用纏  
此杯蛇惑 聖恩極天涵臣質垂蒲彫為農宣  
城野呻吟晝連宵安得忽變化培風負大翼見  
君十洲中羣仙道守儀飾閤苑摘蟠桃扶桑看出  
日至道揖松喬餘事追甫白

東巖言志

新卜東偏巨麓頭縱橫巖石總成幽烟雲杳靄  
山間老溪澗彎環野際流萬卷生涯欣有托一  
犁心事歎猶求丁寧莫向詩僧道不是真休是  
病休

獨遊孤山至月明潭因並水循山而下晚  
抵退溪每得勝境卽賦一絕凡九首

孤山

何年神斧破堅頑壁立千尋跨玉灣不有幽人  
來作主孤山孤絕更誰攀

日洞洞在月明潭上其稱正與相對  
俗誤呼那乙邑云是古邑居之所非也  
故改之有琴孫兩生田其中

日洞佳名配月潭官居知是謬村談箇中儘有  
良田地欲問琴孫置一庵

月明潭有禱雨壇

窈然潭洞秀而清陰罍中藏木石靈十日愁霖  
今可霽抱珠歸臥月冥冥

寒栗潭

瘦馬交競越翠岑俯窺幽壑氣蕭森清遊步步  
皆仙賞駐石長松滿碧潯

景巖

激水千年詎有窮中流屹屹勢爭雄人生蹤跡  
如浮梗立腳誰能似此中

彌川長潭

長憶童時釣此間  
卅年風月負塵寰  
我來識得溪山面  
未必溪山識老顏

白雲洞舊呼船亭知乃鄉音之誤也

青山綠水已超氛  
更著中間白白雲  
為洗鄉音還本色  
地靈應許我知君

丹砂壁

下有龍淵上虎巖  
藏砂千仞玉為函  
故應此境人多壽  
病我何須斲翠巉

川沙村

幽篁川沙李文居  
平田未熟好林墟  
卜隣我亦

專西壑茅屋中藏萬卷書

後又得二勝

葛仙臺丹砂壁南有王母城山之西  
向而北花處有兩臺名其一曰葛仙其  
一曰高世云

丹砂南壁葛仙臺百匝雲山一水迴若使仙翁  
今可見願供薪水乞靈來

高世臺高世紫芝歌中語魏鶴山詩子  
雲亦說知書者掄把商山作采榮

白石嶂丹崖削玉成溪流曲曲抱山清臺名莫向

癡人說怕認商山作采芝

踏青登霞山丁未

踏青幽徑草茸來上霞山坐碧峯萬樹欲花  
春漠漠一山將暮翠重重舊日遊京國渾如夢新  
卜田園只自農田水佳辰當過密題詩回首第  
露曾

清吟石 并序

溫溪下流有盤石臨溪辛未年中叔  
父松齋府君以江原監司來觀出游  
石上澗以童子侍側有紅衣官人來

謁乃昌樂丞也叔父有詩曰欲得溪  
山妙松門獨自回清吟還敗意誰遣  
督郵來今與諸兄姪會此追念前事  
感歎久之因名其石曰清吟石用其  
韻二絕云

重來  
總角陪游地吟竟去不回唯餘溪響石似欲慰

重來  
坡陀巨石在窈窕一溪回更待山花發吾今較  
早來

題黃仲舉方文山遊錄

方丈仙山非世間秦皇徒慕漢空憐不緣變化  
因丹藥那得飛昇出紫烟感慨躊躇青鶴洞道  
遙游戲大鵬天半生未試囊中法猶幸神遊託  
巨編

和西林院詩韻二首

三月寓月瀾庵

似與春山宿契深今年芒屨又登臨空懷古寺  
重來感詎識林中萬古心  
從師學道寓禪林壁上題詩感慨深寂寞海東  
千載後自憐山月映孤衾

雨晴述懷



孟夏恢台一氣亨山林百物爭流形龍公及時  
霈嘉澤上天作意蘇疲氓丁壯驅牛出四野婦  
姑執筐遵微行嚶嚶禽鳥自相和矻矻人生各  
有營我獨來居古僧舍家操耒耜非躬耕不願  
少林從達摩不願崆峒師廣成天關一片燭幽  
鑑篁墩旨訣西山經一川風月要人看萬古青  
山依舊青伐檀之歌畏力織莫道傍人間絕纓  
戲作七臺三曲詩月瀾庵近山臨水而斷  
如臺形者凡七水繞山成曲者凡三

### 招隱臺

晨興越清溪杖策尋雲壑幽人在何許鬱鬱松  
桂碧山中何所樂鳥獸悲躑躅永懷不易見躊  
躇長太息

月瀾臺

高山有紀堂勝處皆臨水古庵自寂寞可矣幽  
樓子長空雲乍捲碧潭風欲起願從弄月入契  
此觀瀾旨

考槃臺

層臺俯絕壑下有泉鳴玉西臨豁而曠東轉奧  
且闕剪蔚得佳境茅茨行可卜隱求復何為優

游歌弗告

凝思臺

寒衣裳度寒礪捫葛陟高崖老松盤巖顛百靈猶  
力排刊除舊叢灌面勢幽且佳窅然坐終日無  
人知我懷

胡詠臺

躋攀出風磴一眼盡山川不有妙高處焉知雲  
水天俯仰宇宙間裁洋思古賢借問擲金聲何  
如沂上絃

御風臺

一

卷之三

三十三

至人神變化出入有無間冷然馭神馬旬有五  
乃還嗟哉聞百人夏蟲不知寒請君登此臺不  
用朝霞餐

凌雲臺

下有清清水上有白白雲斷峯呼作臺登臨萬  
象分盪盪曾生浩氣超然離垢氛豈但劉天子飄  
飄賞奇文

石潭曲

奔流下石灘一泓湛寒碧躑躅爛錦崖蒼苔斑  
玳石白鷗似我閒鯨魚知爾樂何時辦小艇長

歌弄明月

川沙曲

川流轉山來玉虹抱村斜岸上藹綠晴林邊鋪  
白沙石梁堪釣遊墟谷可經過西墜紫霞鳩亦  
有幽人家

丹砂曲

青壁欲生雲綠水如入畫人居朱陳村花發桃  
源界安知萬斛砂中藏天秘戒嗟我昧真訣悵  
望聊興喟

閒讀武夷志次九曲樵歌韻十首

一本開下  
有居字

不是仙山託異靈  
滄洲遊跡想餘清  
故能感激前宵夢  
一擢賡歌九曲聲

我從一曲覓漁船  
天柱依然瞰逝川  
一自真儒吟賞後  
同亭無復管風烟

二曲仙娥化碧峯  
天妍絕世靚脩容  
不應更覲傾城薦  
閭闔雲深一萬重

三曲懸崖挿巨船  
空飛須此恠當年  
濟川畢竟如何用  
萬劫空煩鬼護憐

四曲仙機靜夜巖  
金雞唱曉羽毛毳  
此間更有風流在  
披得羊裘釣月潭  
先生在武夷答劉靜

春寄羊裘詩狂奴今夜知何處月冷風凄未肯  
歸

當年五曲入山深大隱還須隱叢林擬把瑤琴  
彈夜月山前荷簣肯知心

六曲回環碧玉灣靈蹤何許但雲關落花流水  
來深處始覺仙家日月閒

七曲撐篙又一灘天壺奇勝最堪看何當喚取  
流霞酌醉挾飛仙鶴背寒

八曲雲屏護水關飄然一棹任旋洄樓巖可識  
天公意鼓得遊人究竟來

九曲山隔只曠然人烟墟落俯長川勸君莫道  
斯遊極妙處猶須別一天

古意秋赴 召後

温温荆山玉淑氣含精英夜夜虹貫巖山鬼自  
道驚抱哭何氏子三獻不避刑斷為萬乘器雄  
誇價連城在此術國寶在彼虧天成君看甓社  
珠光彩奪月明出入有無間世巧焉得嬰

玉堂 宣醞後出書堂馬上作景說應  
霖子用景霖在堂見待

出城延望海中山一色山川玉界寒箇裏羣仙



多一念清會終夕待吾還

次韻景說景霖二首

朽拙身多病繁華意易闌那知  
宣札下復入道山間自愧荒疎學人驚醜瘦顏感君加策勵  
獲寶不知還

相見新詩好相思舊恨闌三餘蓬觀裏萬卷碧  
窻問病劇無遺力恩深只厚顏誠難效犬馬  
非是故言還

雪竹歌

漢陽城中三日雪門巷來人遠隔絕病臥無心

問幾尺唯覺衾裯冷如鐵幽軒綠竹我所愛夜  
夜風鳴如戛玉兒童驚報道我出攜杖來看久  
嘆息稍精神埋沒太無端枝枝歷重皆欲折最憐  
中有一兩竿高枝千尋猶抗節不愁虛心受凍  
破無柰老根迸地裂杲杲太陽頭上臨不應彩  
鳳終無食

今日甚雨已而大雪喜而有作

此風怒起萬木號黝雲四合如翻濤山蒸礎潤  
氣鬱沈雨聲晝夜聞嘈嘈當冬沆可石燕爇此  
日恠見商羊跳直恐渺漫百川溢已覺橫流千

瀆豪恣陽發洩龍蹙野冥頊斂縮如藏逃爾來  
寒燠苦不常饑荒疫癘民嗷嗷腐儒無策謾多  
憂 聖上焦思精貫高曉來風色忽已變滕六  
鼻顛顛陰機挑初看霰集如撒鹽頃刻眩眼吹鵝  
毛莫嫌潢汚旋消融漸見高低渾蓋韜乾坤浩  
蕩無際涯萬境合杳同周遭豐年作瑞古所云  
千尺藏蝗那肆饕天民天恤理則然導迎佳祥  
宜更勞豈惟端本弭衆災中和樂職堪濡毫流  
民流民各歸業從今 聖澤完爾曹

上龔巖李先生

高臺新曲賞深秋  
手折黃花對白鷗  
仰德至今  
清夜夢月明時復到中洲

病中讀史有感三首

史記子貢傳

一貫微音契聖神  
縱橫那肯自輕身  
固知遷史終難信  
誰爲青天洗點塵

史記張良傳

天授奇謀託異神  
秦皇驚倒頂分身  
可知無欲能超世  
不似韓彭一網塵

晉史潘岳傳

自是錢兄絕有神清談須與更謀身潘郎可惜  
多才思白壁中藏一斛塵

樂山南景霖在書堂雪中寄松酒兼律  
詩次韻卻寄

詞合風雪字騰龍知是騷翁詫釀松白墮不傳  
千日法烏程安得十分濃間開陶隱聽風院笑  
灌畱侯辟穀曾直欲騎雲從此去道山銀闕儻  
相容

赴丹山書堂於仲初左通禮閱景說正  
南景霖正尹士推典翰餞席畱贈戊申

十載沈疴愧素餐 洪恩猶得郡符懸  
青松白鶴雖無分 碧水丹山信有緣  
北闕戀懷分燭夜 東湖離思賞梅天  
撫摩凋瘵疲心力 鈴閣翻應憶故田  
有一斯文老爲青松府使自號青松  
白鶴余嘗求青松不得而得丹山

洛生驛樓次金應霖贈別韻二首

郵亭孤坐聽禽啼 物色迎春動澗溪  
他日偶同雲出壑 比身那學婦藏閨  
最憐新得丹砂訣 長憶會聯玉府棲  
絕境歸時堪詫異 驅珠雙贈袖

中攜

困倚闌干睡一場依然夢到五雲鄉  
寒花初發去栗里芳草欲生辭洛陽  
多病不堪承寵一言未可許真剛  
天教至拙藏深僻知我眉間彩色黃

次鄭吉元韻

遊騎城南已踏春路邊楊柳綠絲新  
風流藉甚來相別知是能詩谷口人

馬上次閔景說韻

浩浩春泥一望間行人愁去復愁還  
但能乘鶴遊丹峽何羨騎牛度紫關  
離合正如塵起陌古

今猶似澤藏山心懸  
魏闕誠無奈老病由來  
合置閒

二月一日郡齋雨中得洪退之見寄次

韻

到郡念民事經旬不讀書  
花朝坐衙後燕寢得  
詩餘意慙香凝帳神清  
雨滿虛珍投無可答佩  
服擬璜璫

買浦倉賑給暮歸馬上

一麾出守魂疎慵民困當  
春意自忡去傍紫崖  
殘雪外歸吟斜景亂山中  
陽嗑草茁人還羨次天



放鷗閒我未同十室不堪星在留絃歌那得變  
謠風

島潭二絕

何年神物動雲雷絕境中間巨石開萬古不隨  
波浪去巍然如待使君來

一棹扁舟放碧瀾橫穿三島鏡光寒泝洄欲盡  
西崖勝須傍東邊白玉灣

仙巖俗號佛巖今改

白石層層疊素氈神工不待巧磨鑄從教吼落  
雲門水臺下寒開一鑑天

馬上

朝行俯聽清溪響暮歸遠望青山影朝行暮歸  
山水中山如蒼屏水明鏡在山願為棲雲鶴在  
水願為游波鷗不知符竹誤我事強顏自謂遊  
丹丘

二樂樓次東坡黃樓詩韻

夜臥郡齋清夢作遊山詩晨登溪樓敞對山吟  
古詞赤城山中仙游天弄雲旗貽我黃精草約  
我勿差池萬事一敝屣胡為學詭隨已呼祈孔  
賓莫訝朱挑推我非戀塵上亦非媚俗姿淹茲

久不決我車何時脂吾聞名教中心法謹毫釐  
二樂如得樂此外吾何知

花灘

峽奔雲霧遇一灘雷驚電激雪崩湍斯須脫得  
垂堂戒一任仙蓬雨打寒

舟中

入眼平湖雨滿空一杯未盡日穿蓬水光山色  
渾如畫分付詩人較淡濃

龜潭

衆壑趨西出自東峽明餘怒始橫通幾爭激浪

崩雲上纜入清潭拭鏡中鬼刻千形山露骨仙  
游萬仞鶴盤風隱巖南畔苔殘石靈境依然九  
曲同

伏聞重新愛日堂上龔巖先生

巖帶江聲自作龔巖居仙伯本真聰會參可不  
悲三釜疏廣元非微萬鍾月色想添新水搯秋  
香行發舊霜叢但令日日陪幽賞何必題名向  
此中先生令混作記混辭之故云

白雲洞書院示諸生已酉。赴豐邑後

小白南墟古順興竹溪寒瀉白雲層生村衛道

功何遠立廟尊賢事匪曾景仰自多來後碩藏  
修非爲慕騫騰古人不見心猶見月照方塘冷  
欲冰

答周景遊見寄二首

我是疎愚一病人叨蒙郡寄自前春換符得遂  
平生願來向雲溪謁廟真  
自闕誰能倡別人難窺斯道曠千春竹溪但欲  
投冠去研味遺經得道真

石菴寺效周景遊次紫極宮感秋詩韻并

景遊詩叙云李太白四十九作紫極

感秋詩其後蘇黃皆效之余夜誦三  
賢詩多少感慨乃次其韻云云蓋景  
遊時年四十九矣況今天馬之齒亦  
不多不少適與相值然則其所感寧  
有異於昔之數君子耶敢用元韻遣

懷云

鳳鳥去不返空山無舊竹山中舊多苦竹古丑  
結實後盡枯死寒溪空紀名一源誰挹掬竹溪  
源出於此古人不可見吾生亦云獨幽尋遂高  
陟感歎梵宮宿四十九年非知之莫得卜世患

累年製時光迭往復門有打鐵作羹有拔手覆  
寡過胡不勉夫仁亦在熟

紫蓋峯

天嫌吾未趁丹楓故遣山花發晚紅正似虹橋  
連絲幕羣仙酬宴武夷中

國望峯三首

漠漠烟雲生晚日龍門不見況脩門欲知紫  
極宸居處天際遙瞻一抹痕

烟雲杳靄幾重重龍首軒昂太白雄白髮未成  
歸隱計憑高回望思無窮

南溟山河許幾疆雲低祇覺海天長願從鶴駕  
招仙子飛上清都謁玉皇

答尚牧金季珍

我今為郡子為州豪士空慙百尺樓若待足時  
方欲退溪山何日得清遊

郡齋有懷小白之遊追次景遊用昌黎

衡岳詩韻

搏沙攫土愁神工辨此巨嶽東海中衆山培塿  
卑幼行直與太白爭為雄南臨徐伐北滅豸柔  
乎利澤施無窮我叨郡紱守茲上自慙無以興



謠風烟霞結習尚未除幽夢夜夜精靈通一朝  
振翮出雲外似馭鶴背超虛空國陞峯頭望四  
海蓬萊杳杳心神融羣仙婢約官府足朝遊崑  
崙暮天宮下憫蒼生蟣虱然惟見塵埃下文紅  
丹臺尚掛我名姓舉手相招懷我衷欲往從之  
畏下墜久食烟火悲吾躬恭聞泰山天下大亦  
有南嶽將無同聖登賢游象道魏名與天地相  
爲終斯人斯世我若及何用遠慕飛昇功商山  
白髮好事翁續韓正直羞臃腫嗟我非韓亦非  
周狂吟擲筆歸牆東

郡齋移竹

君不見子猷平生酷愛竹蕭灑風流真絕俗一  
日不可無此君坐令百卉來匍匐又不見樂天  
才調本浮華相國亭中變初服櫻桃楊柳惣莫  
污晚歲飄然八灘曲我從承明一麾出故山三  
載弊麋鹿鈴齋不有竹千挺曉夕何以清隈隩  
舊林憔悴沒寒烟新笋縱橫翳凡木窻前地偏  
石堪砌軒外人稀壇可築忽然霈澤遍農野我  
亦攜鏡斲蒼玉遷辰不待醉兀兀去故何曾戀  
碌碌眼看十十復五五儼立相持如伯叔初來

曾卿慰此心盍歸殷賢禔厥腹可惜中有誤遭  
挫斫頭將軍應爲蜀杖屨巡簷訝羣兒瓶罐攜  
泉忙一僕抽枝展葉漸猗猗脫紉行鞭更續續  
已知涼氣灑琴書行見高標出牆屋風敲雜佩  
韻碎夏月碎寒金影熠煜千尋強寫笑文同萬  
夫錯比嗤杜牧世人區區鶴又別誰肯同歸節  
也獨荒哉酒放林下七邈矣詩豪溪上六儻有  
翩翩丹穴禽千載回翔此棲宿老我年來冷淡  
生相對寧憂食無肉從今更歎禱公賢一篇淇  
澳浦心讀何必紫桑歸去來白衣悵望東籬菊

浮石寺聚遠樓鄭湖陰贈僧韻

鬼役天成萬古樓風雲一任洗  
新秋夜深獨對高僧榻唯見長空月似鉤

八月十五日夜吟

夢覺圓明檣裏珠安排纔涉已非初  
寒溪遠響紙窓靜斜月清光竹閣虛  
四序孰居無事者羣蟲爭訴不平如  
爲官不理身多病回首平生愧有餘

十月十日夜大雷雨

十月中宵風亂鳴雷驚電激雨如傾  
只今天意

何多舛起坐茫然百感生

十一日曉地震三首

風雨雷霆天怒甚如何地道亦靡寧  
勢崩山岳聲驅海誰使神龍戰血腥

風起荒城葉亂飛頑雲如墨雨霏霏  
不知天意緣何怒陰電交揮更逞威  
是日雨電

兇雲虐雪極陰獰風勢如奔百萬兵  
凍及日中烏可畏溝中未暇念民生  
是夜大風大寒

池方寺瀑布二首

灑灑仙風襲客衣陰陰山木恠禽飛  
何人好事

同來看獨對蒼崖信筆揮

坐石沈吟日欲斜碧潭增色湛無波莫辭再訪  
清秋後要看楓林爛似紗

退溪草屋喜黃錦溪來訪庚戌○罷郡

歸鄉後

溪上逢君叩所疑濁醪聊復爲君持天公卻恨  
梅花晚故遣斯須雪滿枝

移草屋於溪西名曰寒棲庵

茅茨移構澗巖中正值巖花發亂紅古往今來  
時已晚朝耕夜讀樂無窮

三月三日雨中寓感

用丁未踏青韻

不向江皋踏綠茸  
小憲看雨對前峰  
閒忙頓別  
差為幸  
愚智相懸定  
幾重古學未傳  
皆末士淳  
風猶在  
祇村農呼兒  
且進杯中物  
澆我平生麤  
積會

拜龔巖先生先生吟侍兒歌東坡月夜  
飲杏花下詩次其韻示之澆亦奉和呈

上

病臥山中九十春  
起拜巖仙春喚人  
巖中老仙  
惜光景獨立汀洲  
詠白蘋倚巖紅杏  
尚未發催

令雪兒唱香雪待得花開要賞春只恐花時已  
無月咳唾珠璣俄頃中吟罷不覺杯心空江邊  
歸興浩無涯回首亂山花欲紅

李先生來臨寒棲

清溪西畔結茅齋俗客何曾款戶關頓荷山南  
老仙伯肩輿穿得萬花來

退溪

身退安愚分學退憂暮境溪上始定居臨流日  
有省

寒棲



結茅爲林廬下有寒泉瀉棲遲足可娛不恨無  
知者

溪居雜興二首

買地青霞外移居碧澗傍深耽惟水石大賞只  
松篁靜裏看時興閒中閱往芳柴門宜迴處心  
事一書壯

開荒臨綠岸結屋對丹巖澗草多無號沙禽並  
不凡山居思損益溪座聽韶咸爛煮新蔬美何  
須待晚饒

寒棲雨後書事

思一本作  
知

浪浪夜雨聲朝起青山濕宿雲半解駁澗水流  
更急叢林迎光景衆綠如新沐野人相喚出幽  
鳥語款曲柴荆澹無事圖書盈四壁古人不在  
茲其言有餘馥望望三益友來從三徑讀

和陶集移居韻二首 五月十八日

我生五十年今有半成宅地僻人罕至山深日  
易夕亦知生事疎猶勝勞形役省方撤舊材隨  
宜展敞席無論固窮節野性諧風昔苟爲道不  
同千言難剖析

獨酌一杯酒閒詠陶韋詩逍遙林澗中曠然心

樂之古書誠有味多病畏沈思疾惡憤遺臭慕  
善嗟後時溪聲日夜流山色古今茲何以慰吾  
心聖言不我欺

和陶集飲酒二十首

其一

無酒苦無味有酒斯飲之得閒方得樂為樂當  
及時薰風鼓萬物亨嘉今若茲物與我同樂貧  
病復何疑豈不知彼榮虛名難久持

其二

我欲挾天風遨遊崑崙山區區未免俗至今無

是言前有一百千世後有億萬年醉中見天真那  
憂醒者傳

其三

智者巧投機愚者滯常情滔滔汨未流總為中  
利名古來賢哲人吾獨後於生此道卽衰禍奈  
何或猜驚拳拳袍苦心澆雷愧無成

其四

白雲在空谷無心天上飛偶然隨風起何更有  
戀悲游空恒泛泛含雨亦依依苟不需嘉澤曷  
若適其歸我思古賢達末路何多衰旣雨不能

乙 小少一本

曹或當其冬，醺醺浩氣兩間塞。釋惱而破名大勝榮槐國畢竟是有待臨風還愧默。

其十九

小少聞聖訓學優乃登仕偶為名所累輾轉徒失已龍鍾猶強顏竊獨為深恥高蹈非吾事居然在鄉里所願善人多是乃天地紀四時調玉燭萬物各止止畢志林壑中吾君如拉特

其二十

近代蘇雲卿漢詩鄭子真遜迹意何如聊欲還其淳千歲如流電萬事更故新伯夷本歸周黃

目

卷之二

五

公竟避秦古來英傑士終不墜風塵聖賢救世  
心豈必夙夜勤卓哉樂桑翁百世朝暮親湯湯  
洪流中惟予不迷津同好陸修辭晚負廬山中  
安得酒如海喚起九原人

六月七日作 聞詩南仲逸講

遠壑依依雲暮暮輕風拂拂雨紛紛窓前水石  
含幽憤增我平生苦憶君

偶讀宋潛溪靜室詩次韻示兒子窩閑  
生應祺二首

林扉面山開插籬村蹊滿室中靜圖書門前閒

夏自來棲有口不啄粟卒瘞銜其泥巢成養雛  
去物性天所諧無機似獨智用巧還羣迷晴簷  
語呢喃主人夢初回

其十

所患在何許天涯與地隅迢迢隔塵響浩浩綿  
川塗人生如朝露羲馭不停驅手中綵綺琴絃  
絕悲有餘獨有杯中物時時慰索居

其十一

東方有一士夙志慕斯道春糧欲往從守隅今  
向老孰能諭迷塗人皆惡衰槁蹙蹙顧四方不

見同所好空知五車書終勝萬金寶至哉天下  
樂從來不在表

其十二

問君今何爲麥秋正丁時山泉清可釀自勸寧  
有辭每攬昔人懷感慨祇如茲安得金蘭友趣  
舍不復疑片言釋千誣一誠消百欺此時忘憂  
物吾亦可已之

其十三

我思千載人廬峰建陽境藏修一庵晦著書萬  
古醒往者待折衷來者得挈領懿哉盛授受源



遠雜魯穎口耳障狂瀾心經嘉訓炳

其十四

舜文久徂世朝陽鳳不至祥麟又已遠叔季如  
昏醉仰止洛與閩羣賢起鱗次吾生晚且僻獨  
昧修良貴朝聞夕死可此言誠有味

其十五

道邇求諸遠滔滔曠安宅哲人有緒言因可追  
心迹苟未及唯一何異誇聞百常恠楚狂輩妄  
自分黑白遇聖不遜志潔身還可惜

其十六

退溪先生文集卷一  
五十二  
吾東號鄒魯儒者誦六經豈無知好之何人是  
有成矯矯鄭烏川守死終不更佔畢文起衰求  
道盈其庭有能青出藍金鄭相繼鳴莫逮門下  
役撫躬傷幽情

其十七

蕭蕭草蓋屋上雨而旁風就燥屢移牀收書故  
篋中但撫無絃琴寧知窮與通誇言笑宋玉欲  
掛扶桑弓


其十八


酒中有妙理未必人人得取樂酣叫中無乃汝


杖屐雨餘暑氣清  
溪邊人事寂時時  
挾冊來汝輩  
雷行迹

幽庭草積翠曲渚  
沙鋪明風驅酷暑  
去鳥呼殘夢驚  
靜居何所修年光  
倏遞更壯當勉業  
庶以慰老情

退溪先生文集卷之一







樂器編

丁